



14250

H8127
2673

魏孝子集序



嗚呼此孝子魏子敬遺集

也子敬尊人爲吾友孔時

當孔時被逮日天大雷電

風吼水立邑中聚而送者

千人、子敬徒跣攀號欲隨、侍以北孔時曰、覆巢有完卵耶、父子俱碎、無爲也、子敬乃微服間行、尾緹騎刺探起居、比抵國門、邏卒四

布、則變姓名匿旅、即中晝伏夜出、與二三道義商萬死一生計、而獄益急、榜掠益毒、子敬度無生理、欲搥登聞鼓、上書自劾闕下、已

念徒死無益、且萬里孤魂、
邈邈誰托、於是匍匐飲血、
扶襯而歸、歸而朝夕號咷、
未嘗入寢室、哭而病、病復
哭、每至丙夜、淚盡而舌爲

枯、家人以漿進、郤之曰、詔
獄中誰夜半而進之、漿者
竟號咷、至於死、歿三年、今
天子改元、剪除大逆、昭雪孤

忠、孔時得贈太常、予廕、賜

謚而吾鄉同志又以子敬
殉父事具疏上聞於是孔
時父子忠孝大節皎然揭
日月而行天壤嗟乎人患
無死所是父是子死可矣

子敬有詩文若干卷余猶
子荼誼同斷金痛深絕鐸
爲銓次刻之而謂余不可
無序余正襟讀之涕夷感
嘆而不能已也語云志士

仁人有殺身以成仁、古來
忠臣孝子、舍生取義、未有
不定志而能引決一時者
也、志定則氣不耗、氣不耗
則骨堅、彼其焦腑中先已

植確乎不拔之根、一遇事
變、本念劃然、生、死、貪、怖、舉
不足入其舍、而後初心快
足、而無憾、子敬少稟異資、
沉研理學、漁獵千古、該洽

淹通凡義利貞邪之辨、斬
然若別黔皙、每遇古人奇
節、輒掀髯起舞、觸羞耻事、
則裂眦唾罵、斷斷不休、觀
其敘浙忠跋短歌胸中之

所存可知矣、故當其蒙難
間關、以孱軀出入千鋒萬
鏑中、人疑不瘁死、卽悸死、
顧反不死、比其歸也、交知
且悲、且慰、欲留其身以待

天定而至性所迫必卽從
地下以爲快父存則不獨
死。父死則不獨生。斯子敬
之志也。子敬生平不可一
世。獨父子切劇同堂商權。

以爲笑樂而子敬淵識沉
幾輒有以濟孔時所不及
甲子子秋諸賢柄用雄艷極
矣子敬心憂之曰無根之
華其能久乎寄書孔時極

稱閒居樂志以爲諷。已孔
時罷還。向余顰感曰。豈不
懷歸顧勢。不能獨潔耳。嗟
乎。啞人吞蘖。此苦誰知。然
而子敬之識深遠矣。古來

一門忠孝。惟卞氏。眈眈隨
父赴難。而文采不表。見顏
忠節之死。常山也。泉明從
幽州轉徙。流離至河北。購
父屍。見刑者言。死時先斷

一足與袁長史同瘞一坎、指其域得之、護柩歸塋長安、時稱其孝、然不聞以身殉也、子敬荼苦似泉明、捐生似眡眡、而其議論文章、

踔絕奇瑋、足以副之、求之古人、邈焉鮮匹、嗟乎、寅卯之際、名教猖披、謁者有兒、須眉無父、亂賊相接踵矣、惟是詔獄諸公、凜凜生氣、

孤行於清虛寥廓間。而又
得死孝之子敬。爲綱常維
一綫。詎非忠貞之羽翼。春
秋之功臣哉。先是有里人
夢孔時藁葬地。忠孝坊額。

金書煌煌。覺而異之。時子
敬尚未死也。浩氣塞宇宙。
至行通神明。蓋不待

聖明褒恤。而機兆先露矣。豈
非天哉。豈非天哉。集成余

爲著其志如此、

年家錢士升撰

敘

昔咸和之世卞氏父子同日赴難其母撫
屍哭曰父爲忠臣子爲孝子我復奚恨讀
史至此每嘆忠孝易得而萃自一門者甚
難且鮮屈指我鄉如王忠文死于使孫忠
烈死于賊于忠肅死于讒沈青霞死于諫
其後人皆振振有聲海內稱孝子焉然卒

未聞有號慟而死如我子敬者。子敬才極高，邃于理學，性至孝，英氣蠶發，辟易千夫。八歲時墮橋足斷，瀕死，終不作呻吟聲。惟卧讀陶詩，以爲樂。當其舞象之年，便解脫生死如此。弱冠與余同研席，風雨短檠，朝昏相對，我兩人蓋歷十年所也。始稱文字交，旣而相與訂性命之學，已復以名節相

敦勉。其言曰：天下漸多故矣，死忠死孝，便是了生死。故余錄浙忠子敬序之，余歌死事子敬跋之。凡於貪怖之根，歸全之義，宣闡婁至，聲淚俱惻，粥粥乎若惟恐七尺爲已，有而子敬果以孝死矣。先是甲子春，筵羽盈朝，先師直聲震闕，下海內皆仰望。澄清子敬獨私憂曰：物不可以終通，天

其或者蒞崇正人之毒而速之。感與未朞。闔禍大作。子敬括髮徒跣侍先師。以北欲上緹縈之書。而登聞不可擊。欲圖李暘之報。而肘掖不可問。晝伏夜號。百荼倘茹。七日之淚空碧。聊城之誼邈然。嗟乎子敬安得不死。比其負骨歸也。屏妻子而不見。撫遺鬣以烏烏。旦暮哀吟。丙夜不絕。童子捧

水漿以進。則覆而泣。曰我父獄中安所得盃水乎。病且革。進以藥餌。則又覆而泣。曰吾父獄中更安所得藥乎。如是數十日。而子敬死矣。假令子敬不卽死。忍死以俟。今日泣血叫闔。鳴父冤。暢遺緒。購取仇人頭。馳祭先君墓道前。豈不稱孝。然子敬終不能頃刻待者。此子敬之至性爲之也。經有

之至德爲道本至孝爲行本五品之屬各有其至苞焉然貪怖根深則君仇不報父難不殉甚且舉世天闔衣錦食稻甘作無父之賊子嗚呼百年鼎鼎同訖于盡與其病死羞死唾罵死孰若忠死孝死之爲不死也雖然才如子敬使之挾策人主之前稱先王而道古昔三公四輔茲實其選卽

不然秉其灑摯之性出而經營四方抱桴鼓捍大敵亦必能爲張睢陽之嚙齒露齧顏平原之握拳透爪惜乎其竟以幽痛死也今子敬雖死而其孝烈之狀與先師之剛風千仞靡不表著朝野炳于丹青且其弟子一氏又復讀書好道克肖父兄千秋之業豈卞氏父子所能彷彿萬一哉子敬

原有自訂集余爲刪其應酬一二益以所未備及被難後諸牘收拾遺文期于可久此固後死者之責也亦忠于子敬之道宜然也同里社弟錢棻題

小序

魏塘大小魏先生一死忠一死孝或支列其身首或枯竭其血髓窮古今之至慘極痛不足以喻之然當夫天跳地踔沉寃未告彼彼無君無父之衿紳雖擁高爵榮名而雉雞一聲未有不愧死莫贖者智昏識短不自覺其頑鈍耳乃頑鈍者又欲文致

有君父之罪以自解無父無君之慚殺其身不肯已必欲盡殺其眷屬知交盡辭天下之舌矯誣亂是非邪正之辯以欺萬世後之不見不聞者噫嘻秦檜命其子充史局無不如其欲毀欲譽檜死而史文變革安在其文致也哉諸公蒙面作兩截三截人只是怕怕至于失官而極至于死而更

極由今觀之魏塘父子與朝中父子死等苦既死之後官孰在名孰美孫子孰克永保忠孝廉潔亦何負于人哉一時死難諸先生剝削之毒相似父子相繼殞絕忠與孝兼一門則惟廓園子敬兩先生泉下之恨爲甚廓園先生已奉

詔全卹其自撰年譜暨遺文尚未梓錢子

仲芳昆舅先謀梓子敬之遺言子敬之文
與其人皆挺立千仞高峻廉潔酷肖乃父
非不早識父死有令名焉不願享有令名
甘憔悴以死是父是子別有耆好其與無
君無父之衿紳原天壤之絕而遽責以合
轍也難矣

崇禎元年七月之望鹽官陳梁題

魏子敬遺集目次

卷之一

賦

攄懷賦

定志賦

離思賦

凜秋賦

茅簷賦

閒居賦

卷之二

五言古詩

和陶飲酒 二十首

寄贈唐宜之兼呈知非道人

長水怨

同唐宜之過楓溪訪卞子厚先生

田父述 三首

擬古仍古韻 十九首

讀史述 二十九首

讀史雜述 十三首

重過蔣氏蓮雪居用昌谷韻

別蔣季

猛虎行

代簡答友人問舟

惜哉行

招錢彥林仲芳兄弟飲

卷之三

七言古詩長短歌行

訊京師歸客

作客東門行 悼衡兒作

日晚歌 二首

賦得客帳夢封侯

壽葉繩毅先生

贈程子長

醉歌

有客

寄人

九日同嚴知章兄弟遊茶磨山和周頤和詩

叟

五言律詩

茅簷雜詩 五首

幽徑

春晴

散愁 二首

大人奉使代藩期逝未返以詩紀懷 十首

七言律詩

秋興 八首

簡錢彥林謀阻唐宜之金陵之行

送唐汙父入四安山

家書 二首

前重九一日送宜之之金陵 三首

戲題家塾

歸鴉 八首

五言排律

呈范陽鹿太公一百韻

六言排律

題茅簷

五言絕句

乙卯秋大人有文安之行送至京口大人用

楊柳青青渡水人為韻賦七絕以別敬步

原韻 七首

舟行

野眺

七言絕句

宿荻秋庵水閣 二一首

卷之四

序一 雜書時集類

易序

錢氏家乘序

浙忠錄序 代大人

兩漢郡國名吏紀序

慈乘小序

老子初繹序

勸影齋集序

高星弁散騷序

夏幼青維摩集序

招隱篇引

小集自序

秋殘十咏小引

卷之五

序二 時藝贈送類

制義自序

曹允大稿序

香樹林文序

易曦侯居業序

易有功稿序

晚香堂稿序

卓珂月稿序

錢爾斐冰雪文序

支小白新語序

夏侶龐靜影齋草序

曹允大臨場義序

五叔稿序

蔣去華稿序

壬戌二十房選序

五朝文畧序

送錢彥林序

贈孫癡序

卷之六

記

雪鷗閣記

王叔遠核舟記

傳

趙母傳

曹鴻甫傳

嚴公傳

沈少蘭傳

書牘

寄唐宜之 四首

與陳則梁 二首

寄陳發交

家書 三首

答友人書

上張年伯書

上黃虞兩年伯書

寄潘茂先書

辭里中父老書

卷之七

論

韓非論

荀彧論

策

擬治安策

泰昌十月

表

擬上御煖閣召輔臣劉健李東陽謝遷面

議章奏因健等極言鹽法之壞命戶部通

查舊制覆議行之謝表

弘治十八年

卷之八

題跋

題周伯譽集後

錢仲芳短歌跋

錢爾斐浙忠詠跋

啓

通陸宅婚啓

代

請媒啓

代

答倪太學婚啓

代

聘趙氏婚啓 代陳

答蔣宅納采啓 代大人

陳宅聘啓

答耿撫臺啓 代大人

舉章陽東名宦書 代大人

文

息關文

說

古錢說

銘

瘞雞銘

論文

春夜與仲弟論文 七條

魏子敬遺集目次 終

魏子敬遺集卷之一

嘉善魏學伊子敬甫著

友人錢 榮仲芳甫定

賦

攄懷賦

并序

余頗覽流俗百憂續紛竊不自知其何心也間於
記誦之暇紉察平生一簣方施規局略覩撫衷俞
熱託徑俞寒余殆有私錮焉夫鑪冶既分資格斯
剖狂者恒樂環士鮮懼蓋或區之非蒸民能自爲

也昔幽通抽緒於北地思玄蔚起於南陽大都借
葩豔於前人攄素懷之獨往胸臆自吐須髮可遺
余竊訢慕焉爰綴斯篇用鳴厥志雖非楚聲亦姑
自廣云爾辭曰

嗟余懷之塊北兮勔襲跡於前修神旆旆以應縣兮
恐厥疹之弗瘳蹇獨行以亢回兮軼雰濛而影輶纒
酷烈爲佩兮餐沆瀣爲羞駕迅焱其淵滂兮曳氛旄
其呼呼飲蜚爲余捷芝兮造父爲余持輶策我馬毋
契需兮登迴路之悠悠旣晃朗以遐征兮下臨睨乎

時俗相叢井之認認兮曾不可乎偕服競腕顏以蠱
媚兮宵容與而昕伏集衆垢於厲鄉兮寄生涯於詆
誆黨人旣以爲常徑兮恬不惡夫倥促余不忍覲此
恒態兮挽青天而慟哭聊賈盪以貢憤兮紛吾離此
羣詢旣詈余之眊眊兮庚若憐余之寡就出門闕無
人兮入蹇產而傷獨伴縶務以相饜兮孰胡繩之爲
淑宜蘋蘩之節離兮被回飈之颺颺謔蘇世而特立
兮又何病乎塊鞠忽中情之倉兄兮欵堦前之秋霜
氣沆碭而曾高兮天懔懔其不陽道披離此芳藹兮

頽穉蕭瑟而實黃恫芙蓉之方茁今曾不及其芬兮
豈置鷓鴣之先鳴兮抑選時之獨後也羣生各有攸當
今何良辰之不又也誕流睇以慟慄兮志欲憾而難
平傷庸夫之濃淒兮羣嗑啞而營營彼昌被之曼著
兮余乃譏譏與相迎必骫靡以追曲兮寧處廓而無
友生緬哲人之桀獲兮疇蠹沒而颺聲締扈理以勿
替兮惟茲瑤瑾與琇瑩瑩綿邈其難虧兮瑾翕施而
可帶荃旣淫溶溶其靡岸兮逝將脆焉以蟬蛻漫漶
涵弗裁兮懼一朝之狼狽獨不相夫迷涂兮洵沕瀟

以滂沛徒褰裳而無航兮固余心之所害意蚤蚤其
弗懌兮幾儻侗而自憐不可訖之厚地兮不可謀之
旻天事沉洄而好還兮何獨長此迢遘愍風其蓬
龍兮埃拂拂以湍旋荃瞞瞞而上下兮胥滔湯而弗
遷余將與此終古今曷禁涕泗之漣漣昔鮑焦之自
沉兮借務光而不反聽燕市之悲歌兮白日慘焉其
晚晚弔湘纍於汨蘿兮傷幽蘭之九畹步兵值窮路
以號哭兮豈好言之可輓彼焦光之枕露兮襲冷風
之颺颺文詡之擊几兮戀周道之阻修桃椎家乎世

外兮伯倫塋乎醴丘若潯陽之兀敖兮永嬉嬉而自
由悲者莫可與晤語兮豈樂者獨有好仇疾溷濁而
莫遜兮吾聊與之媮遊雖歌與哭其異徑兮余知其
相對而長愁悵高風之邈邈兮挾昊穹以俱浮余獨
叢此坎毒兮當涉世之末流安得霜翰之凌飛兮奄
忽越此九州覽九州之曠漭兮余惘惘焉誰屈或趨
余以返轡兮勿踣涼以自隘如蟬翼之子子兮疇頓
步而可施衆微微其唼佞兮相態以狡辭被奇服之
攝葉兮衽旁挂而不可撝辟之九戎而索賴兮賈用

喪夫珍髮旣紛蘊其衡鰲兮祗稿悴而見欺超迴軼
其猶莫兮戎乃鞏鞏而自私荃苟不識予之妙婧兮
曷羣喙而些之更媻飾以自暴兮長沉菀其何爲釋
行言之媿媿兮幸來者之可諫先民各續紛其成章
兮何獨樂此謠訕聊洋洋而爲客兮侶鸞鷲於雛鷺
雜筐簾與鷄駭兮盛薊紫以瓊玳偕隴廉以同升兮
何閭姬之可唁伊至人其藏器兮翫時故之相嬗苟
余鼎其勿抃兮孰沉冥而可賤觀周行之凌礫兮竊
又愛此春華芳菲菲其後茂兮傲冰雪而揚葩睨亂

流之澆饋兮志悶瞶而不嘉既紛負其波逝兮廬中
垢而爲家余將矯矯其獨殿兮肯喪心而黨邪禹功
未施于羸國兮厥躬靡焉先自化上青天而無階兮
愴江流而驟下兩驂釋鞿羈以駝騁兮孰云織離之
可駕強綦蹊以利跂兮尚恐恐或未舍苟恣羨而吹
整兮眇不測其所赴嘗上觀乎西山兮頻東陵與爲
隣展生介焉中處兮澹相羊以閭閻右高歌之嘒嘒
兮左鳩黨而刺人汨滅輟余趨駕兮怵餘波之相親
寧稿死而萎殲兮誰嶮涂而可馴思和光之緒言兮

誕錯愕其驚神余既不克刈厥志兮又輶軻以多矯
不速速而擠臧兮將譴譴而取殛怛茫茫其曠恨兮
顧余幃焉瞿瞿惻窺俗以擬步兮儼鷄鷄之衝霧匪
中心之帶翳兮窺瞥天而無路將窮岑崑之欽崱兮
探幽壑之矜訝既碣礪以行齧兮復序窳而聾牙紛
頽仞其龍從兮攀峭窅而咤嗟賈眇窕以無人兮殆
螻蛄之所家顛嶮廓其奮晉兮瞰坑谷且焉跼蹐聞
猛夫之票舉兮侶螿螿而友豸腹巖窟之穿浹兮膺
硎礪之恠沙豈展狎夫澹峴兮諒坦夷於彼涂余既

不難假造兮馭余陟乎高岡
擗篋縷以爲梯兮凌遊
雲以爲杭路曲拂以傾晷兮
石岳岳而相望仰重巘
其蘄巖兮睇故道而渺茫
壁旣峭而難駐兮力又竭
而欲僵盼樛木其若頰兮
徒連蜷而弗將勉陟巔以
偃息兮恍魂存而魄亡
世路旣絕兮志逆歸而不可
撫長松以迴眺兮身飄飄
其欲墮冰皚皚而凝霜兮
雲霏霏而在下鳥磔磔其
驚飛兮霧濛濛而覆壑樹
翁鬱以芟翫兮荆羣蕪而
聊舍竊獨樂此異壤兮將
往遊乎仙者忽淒風之騷
屑兮逢豺狼之狎狎虎豹

駭而怒號兮挺敦脰而鋸
斷爭駉駉其相逐兮險淪
碩夫厥身余竊覩此咆哮
兮殊無異乎今人中侘侘
其怫鬱兮遭吾道以長邁
下峭隨之焦敷兮弄驚濤
之滂湃鼓蓀橈與桂櫂兮
翻翻此香鬪塞白蘋於
江臯兮剪杜若而爲帶波
頤淡以汨活兮鴻濊涌而
揚磕紛蜚螻其相糾兮蘭
舟盪而濊濊旣永去此流
俗兮載騁觀乎四荒泝崑
崙之淫翳兮測尾閭之塊
茫桴陽侯爲余先導兮御
馮夷與儂佯雲瀕溶而無
文兮天澎瀛而欲狂龍邛
將圈以澆穴兮忽萃縈礪

突而益將恠鮫爲之屏息兮長鯨宵其固藏怒彪休
以喧豗兮意驕騁而不可降奔湍拍其相斫兮愁大
塊之不長曼余日以遊觀兮窺煙液之所積森浮嵐
之出沒兮疑風雨之窟宅齊噴沫與頡頏兮挾飛瀾
而瀟澍水瀏瀏以寢駛兮石峩峩其兪瘠此方意別
有天地兮余永辭乎局踣纏余楫以息征兮對蘆華
而爲客枕頑石之嶮嶮兮聽潮聲之傍擊媮江山之
浩蕩兮忘大寓之迫迮倚秋風以長嘯兮聞木葉之
蕭蕭黑雲涌而上屯兮神慘慘而弗驕懷美人於天

際兮隔千里之波濤鳥栖栖其慕類兮獸踴踴而寡
曹日悠揚以就暮兮送去瀨之滔滔辟獨羈此窮域
兮傷魂夢之偏勞余將釋結綰以宴娛兮又曷長困
乎水臯量八裔之迢遞兮緮流峙而靡控鷦明怯夫
修畏兮應龍廩乎衡纓慙蜚鴻之芟芟兮戾玄黓以
遐狂紛緯繡其弗可治兮長怵憚而增痛憎蓼母之
勃屑兮疾鴟鴞之熹咲祗居居其不合兮冀弋獲焉
靡中汎曾波之溶溢兮穿魁堆之幽洞詞纏纏而永
日兮覺乃悟其爲夢神瞽亂以駝鷲兮庸織路而遘

窮行不程古人之茂則兮將俛俛其焉從勿登高山
兮勿涉流水之泚澍余初有成說兮展糾糾而可崇
曰孰董義而苦特兮疇珮仁而苦同蒸蒙之昧明兮
曾纖繫乎厥躬鳳皇狝于蓬階兮茂鳩寄乎苕叢爰
翱翔其各適兮覺區宇之矇矇眊彼黨之回穴兮工
嗟咿與儒兒袖獨修此好顏兮蹇瘠瘁而忸怩余生
耦彼仳仳兮黽練要而自視苟株繩墨以弗跌兮孰
黥黥而汙之覽稠木之颺芳兮亦各膺夫茂時無賤
桃華之穠郁兮華亦無妬喬松之後衰薰風不可數

被兮孰枳塗而長治賓時俗其過苛兮惡在葛天之
可居聊怵怵以媮適兮勿忤忤焉躊躇剪營營之高
徑兮葺經經之故廬登遑遑之葯房兮望蠹蠹之芷
閭及余年之屈橋兮滋莞窮以扶疎幾埃時而充佩
兮垂長衷之虛徐仰余陞皇之赫戲兮俛余御夫夔
魘彼譴謔之爲蠹兮余偕行而趨趨借屨於埃垢兮
窳庇景於華胥憂永路之坦坦兮不愁嶰壑之沮茹
願正策而孟晉兮長無負此居諸辭曰流光迅徂汨
前驅兮律岫遙征勿踟躕兮十琢九置喪良琮兮目

長足短成凡夫今高薄秋旻闐闐今呶訾噪斯羣
鵠鸚兮衆不可戶誅兮刻自揮兮神灑灑兮將與天
俱兮

定志賦

并序

書曰詩言志班固曰賦者古詩之流也夫余遨墳
典之囿遊先詰之衢舍魯奚適矣顧衆兆馮生各
有攸驚根抵未定見物斯遷思以纂至人之餘徽
繕厥初之貞性是北行而南其轅也必不幾矣老
子曰不見可欲使心不亂蓋亦自閑之善策與雖

然土之塊然也入水則淫膏之澄然也遇炎則沸
程伯子之喜獵而復萌于十二年之後也不見其
可恃哉陸行而語人曰善沒善沒無徵也浮江河
而不波則真善沒者矣袖手而語人曰奇勇奇勇
無徵也舉九鼎而不碌則真奇勇者矣尸子中黃
伯曰余左執太行之獲而右搏雕虎惟象之未與
吾心試焉試云者蓋假以自徵者也余故騁辭乎
滔蕩之場肆情乎荒唐之域窮態極變嗜慾畢陳
明晰者惛眩貞確者淫放忽忽欲身試焉已迺收

其佚思返乎芳躅澹然無營屹乎其不可移斯以
爲定志之章習非吳粵水亦不可浮也力非責諸
鼎亦不可舉也志定于旣試之後者君子所以不
輕恃也志定于未試之先者君子所以不輕試也
孟陬之旦抽斯言以爲繩余其不摯勵焉其辭曰
歲協洽之始旦兮氣凜冽以淒淚雪霏霏其飈曳兮
風澹澹而鳴厲庭木菸邑而無色兮春陽其猶未戾
相烝族之嬉嬉兮各怡懌乎改歲輪蓋岳岳其雲陰
兮閭闔闐噎而陰墜士簇裘馬之劇觀兮女飭媮媮

之織製笙鼓嘈雜而狂會兮粉拱翕施以增麗彼時
俗其固然兮亦良辰之可憇恇邑邑余紆軫兮獨鬱
結而尠懽攝提遷以遙邁兮汨赴阪之迴湍昨總角
而象舞兮俄岌岌之高冠豈不諒晏虞之爲適兮時
曷可乎久盤忻皇皇其遶柱夕兮抱膝而永歎叩前修
以內慙兮增烈烈之重寒彼騾駟之咫尺兮夙雄駟
乎千里干將脫劍而契鐵兮曾何需夫鈍砥禹龍躍
而雲滃兮瑜虎嘯而飈起寧華髮之墮顛兮忽剡鋒
之迅駛昔魏武誠鄴城兮道頓丘之無遺矢雖嶮夫

匪攸慕兮已森森堅其壁壘豪桀各有所締構兮疇
不猛晉而惜晷咨非躬之溝猶兮足踣時而不前覲
瑋迹而婁奮兮怵長路之綿綿曰媵節其可好兮羌
發軔于髫年窳氓奢覲而楷耕兮莠驕驕于甫田糾
余生之步履兮洵重誑而馳譽辟仄徑之幽隘兮杳
窅而不覩天翫媚俗之追曲兮辟踰踰以嬋嬛文好
顏以爲媼兮匪余心焉攸便遂肆志而橫鶩兮教廷
頰而不遷謂彼原我猿兮蹇宜違此迤邐盍反性命
之眩潛兮我與彼其俱然湛芳蘭以鹿醢兮越三年

而易馬或厥根之漸滌兮僉委寘于中野吾誹蘭之
不馥兮豈芳草之尤也謂九畹可勿樹兮充幃之羞
也滋德行以竣楸兮願及年之方華辰漸冉其逾逝
兮懼霜雪之浸加蹇余隋急以成性兮羌心疾乎浮
夸任戇替之孑孑兮瑜不琢而爲瑕繁弱之洞堅兮
資排縈而體正儀狀曄其齊觀兮庚增飾而俞靚賈
前喆之不羣兮聿矻矻其抗精疇怠荒而降伐兮孰
消搖而躋聖豐墻堯下兮恐行潦之隄崩荼林淺根
以浮垓兮焱風吼而上扔蒙鳩編髮以爲室兮奄焉

喪其所馮馮生總總其靡定兮展余心之所懲余旣
懷此眇思兮冀雪焉豁其蒙蔽修途迢遞而亡鄂兮
余乃夢夢其未晰紉留夷以爲帶兮緝胡繩而爲帨
願衆芳其繁廡兮還蔡莽之螿廁茲只尺吾弗曙兮
矧出門之數蹶焉猶豫而廓處兮將謗謗以永世誕
周流覽觀以財擇兮余乃知吾所憇脂余車于家巷
兮秣余馬于道周亂余輿兮容裔攬余練兮夷猶神
惇惇以惚恍兮行極目乎中州睇闐闐之囂擾兮各
營營而有求津要襍沓以叢賴兮紛勺灑其綢繆焱
焱聲燄之輝赫兮訇訇轂轍之殷稠遭時而適志兮
競侈侈以忘憂聳層臺之將將兮駢雲屋之爛爛蘭
橈埤堦以交錯兮桂棟曼衍而炳煥飛檐嶧嶧其矯
起兮彤軒爽嶝而皓肝絳雯斐疊以翼櫺兮杲日射
疏而粲奐砥室繽紛其致飾兮琦璜雜璘珉而零亂
目迷青蔥與頽素兮曾莫燁其珍翫美參霄之臺榭
兮又羅花木之芬芳薰風習習其拂袂兮桃李爭艷
于春陽憐芍藥之妖麗兮佩蕙茝之幽香楛榴噴而
然堦兮汜菡萏于池澹夫容綽約其臨流兮菊英矯

潔而凌霜梅抗雪而揚葩兮百卉不敢與翽翽周亭
渚而徧眺兮爛菲菲其流光余聊紀夫嬋序兮展更
僕而不可詳旣拳攬之娛情兮又杯竿之好合淥醪
鄭以醅酢兮蘭希烝而迨選熟熊蟠之鮮臙兮烹豹
胎之煜爚旅矐螭及肥臙兮兼炮羔與鷄臙揉黃蘇
與露茹兮調葢羹而先鬻蠹醅醅其蟻浮兮分牙籌
而司酌衍芳顏之微醅兮忽女樂之雜嗽竿瑟淫淫
其繁會兮賁鼓震動而澿澿新聲參差以迭奏兮謳
與歛而交噐衽褊褊若交竿兮樂妙舞之翬翬華桂

飄飄其從風兮羅襪躡蹠而逡巡儵鴻翥而鳧沒兮
曳繭緒之糾糾歌與舞旣酣悅兮客醅醕其徑醉蘭
膏熠燿其逾明兮紅粧陞坐而無次媵眼眴其騰光
兮聯曾波而遺視雜杜若干輕裾兮握纖手之芳臙
眉連娟以繚繞兮腰嫋妙以佞媚申厥好于九秋兮
勿隄情以遐棄魂忽忽以搖蕩兮孰桑門與展季窮
聲色之湛樂兮羨滄海之無期聊遨遊以媮快兮俟
河清乎幾時余聆茲靡靡之瑣說兮忽亢志而長思
初旦旦有成言兮曷回畔而自嬉不見金谷之違禍

兮誰樂極而不衰士幼服先民之炯戒兮咸敦勗以
自持出艷繁華之可者兮意默默其浸移朝愍黨人
之酒沒兮暮褰裳而就之還訕介士之特立兮長顧
頷其何爲曰吾豈涉而遽汨兮聊與之逶迤醉夫自
爲醒兮旁觀輾然而相嗤余不忍厥躬爲嘗試兮夫
安能乎留茲遭吾道以遠逝兮正余策乎徂征僕夫
喃喃其詢諱兮馬裴回而不行旣舒節而遂晉兮相
余心之所明荀蟻蠓其可浮兮詎駮駮乎丘陵枯槁
匪足尚兮亦云企夫修能去琢蠹之旣遠兮俛俛其

焉憑歷闐闔而諦覘兮余馬且焉止息何土習之壑
深兮云游俠之所域好傾身而締交兮集輕詵之奇
客美賓從之萋苴兮張威聲之赫奕冠劍紛紛其從
衡兮珠履晶瑩以千百鳩俊桀以巷飲兮笑肝膽之
不隔雙耳熱而長嘯兮須髯豎而如戟或尋橦與扛
鼎兮或投壺而呼白旣蹴踘以澆戲兮又分偶而抃
射窮鄱陽之暴謔兮輕千金之趙璧攬於菟之重裘
兮橐蠡門之鳥號左夏服之勁箭兮右步光之霜刀
縱晨風以馳獵兮燎千里之蓬蒿颺礫飛而蔽天兮

豺狼驚而怒，嗥氣歎勃。其不懼兮，拉魃魘于窮臯。踏深雪而夜歸兮，呼美酒而烹羔。躍馬顧眄兮，誇一世之雄豪。召屠亥使麾鎚兮，呼漸離使擊筑。倉海忽其礪賊兮，慶卿因之痛哭。持牛炙而啗政兮，解佩劍而贈育。朱家嘻布之髡首兮，要離誚訢之眇目。招原朱于二陵兮，各意氣之相逐。忽中宵叩門兮，號胸臆之不平。柄人哮鬪兮，姦人猙獰。戚人肆毒兮，生人食盟。中憤憤其憑怒兮，訝烈焰之橫生。彈丸發而巨響，殛兮杳莫跡。其姓名抑恂恂，罔德色兮。沒齒而不自鳴。

嗟夫人之慷慨兮，殆燕趙之風也。亶犖犖其歸何兮，然狙獪之雄也。睚眦蠶芥兮，忽肆諸路。隅交游罕擇兮，禍發于錙銖。萬乘恣其凌轢兮，悲厥終之可虞。馳余輿吾邁發兮，羌去去而弗顧。士趨趙以跣跣兮，鮮不軼乎常度。壹睢盱亡檢柙兮，良古人之所惡。志擔矯以亢厲兮，覽八極而尚羊。曩蓬矢之俶縣兮，肇有役乎四方。長湛鬱其弗舒兮，偕秋草而萎黃。超拂拔以遐騁兮，牧余駟于邊場。戈鋌林立以葦雲兮，旛旄飛颺而拂蒼。散貔貅于虎落兮，聽鳴鏑而夜愴。彼越

甲鳴吾君兮竊憤醜虜之跳踉壯夫生而燕頷兮死
馬革其奚傷震鬱怫以滌怒兮目閃爍而揚光吾願
上關威弧兮落層玄之櫬槍戲下煦煦其挾纊兮又
慄慄如負霜士魚然而鏖戰兮曾莫抗其顏行鯨鯢
擣以成觀兮豺虎讐而摧藏胡天絙于塞外兮遠威
名與俱長帝赫赫詔入關兮奏膚績而四覲閭棘傑
僂其前列兮鉦鼓嘈嘯而雷振猛士騰躍以彪悍兮
玄虬沛艾而奮進佩長劍之陸離兮肘纍纍之金印
天子嘉乃成烈兮躬敬勞其懋蓋玉曆頒於白蘭兮

劉賓懾而內賚東震日域之景國兮西壓月窟之末
胤陋驃衛之梨磔兮祇黷武而開釁虎賁罔所容鞭
撻兮屹長城之坐鎮余旣難夫橐馘兮展永慕此崇
功意飛揚不可以戢兮恐性行之曹曹毒龍矯其上騰

兮海水沸而洶溶肆虓虎之跋扈兮驕豕躅于遼東
憑不顧天罍罍兮奄抱慟於良弓或菹醢之幸脫兮
引猿臂而自雄顧桑榆之夕景兮忽回首而長恫東
流逝以不返兮悵偉伐之俱空壯心頽于麟閣兮託
遠想於喬松旋余輶以徂往兮竭粟然而曾舉棄經

營之擾攘兮求真人與之語願令介鳥前驅兮爲通
言於玉女意眇忽其臨雲兮望三山而延竚朝余發
於中土兮夕余稅乎丹丘羽人蹠蹠其成羣兮絕雰
埃而宣遊邾神明以高厲兮朋精粹而爲儔垂蜺蟠
之離離兮總蚪旄之浮浮攬慧光而爲旂兮揭招搖
以剡流掣列缺之淫裔兮駕飛廉之颼颼望舒瞭皎
其騰輝兮豐隆砰磷以彪休印旬始其密邇兮尚神
達之可摻怒戴勝有面懷兮合羣仙乎好會將祝融
前效軫兮詔鈞芒使展軼蓐收踉蹌以樹旗兮玄冥

狂趨以綽蓋紛紜鏗鉤轟以朝軋兮雜逡轆轤隱以
礧磕烟煜燁煜闐以盼泐兮驟瞿眦豸錯以賴踰騰
驤迭邊瞿以趨踔兮躑躅叫募蠹以溟霈青虬赤螭
蹇其天矯兮芬芬衝從以奔駘忽清霞爛熳其異采
兮迂仙侶之雲從揖岐伯暨倕佺兮蹠羨門與韓終
邀桐栢之王子兮携南嶽之赤松旣招方回于五柞
兮又迎葛由於綏之潒誰卷卷其緝御兮候金母與
木公賓翩翩交集兮於茲焉舉觴屑瑤藥爲餽兮榆
瓊靡爲糧吸沆瀣爲食兮斟玉醴爲漿漱飛泉之微

魏子荀遺集卷一
液兮咀石菌之華英列如瓜之巨棗兮采木禾之芬
香眷明光之媮娛兮咸欣欣其樂康賓旣夷悅兮於
茲焉式舞拚湘靈弄瑟兮使馮夷擊鼓子晉吹洞簫
兮青娥爲憂拊叩昆明之曉筑兮彈雲璈以琚橈歌
太霞之妙曲兮裊餘音之縷縷耽清都之節族兮長
無極以終古余竊樂此眇界兮迥異乎曩之所陳聲
色沉濁以冶湯兮茲獨沕穆而渾淪心潏潏其浩曠
兮憺委佗以怡神駕白鹿余濯髮兮乘黃鶴余晞身
載青鳥陞閭闔兮狎紫鸞之馴馴登閬風又微閭兮

儷無始而爲隣餐六氣以遐驚兮焉熊經與鳥申驟
噫鬱余招悵兮悲滄桑之數變木羊躡而一足兮紙
驢碎而成片石橋梁潯以灑沫兮銅柱堦圾其如綫
紀崦嵫與暘谷兮經咄嗟而忽徧竊聞令威歸遼兮
蘇耽返乎故鄣屋廬夷爲鹿場兮椒壁荒而存壁白
楊蕭蕭其嘶風兮枯栢陰翳以連卷髻豎彎弓以彈
射兮爰飛鳴而悲唁展悽惻其若茲兮又何長生之
足羨徐生入海兮五利以爲師攀龍髯之蜿蜒兮射
魚鬣之狝狝雞犬不獲偕升兮卒賢聖之見哈豈徒

謂其黻成兮寔心砿其貪癡道坦坦其平廣兮罔商
怪以炫奇靈臺涵滑以不守兮胥日用而耘之余焉
庸此詭誕兮祇貿貿其狂馳泝蓬壺以迅征兮策余
服乎吾將反逕有伐而難循兮理有諺而匪遠羌昕
夕與食寢兮余乃哀驚而旁遁速黽勉以遵路兮趁
曜靈之未晚既律岫其遄歸兮弛吾轍乎故閭彼紘
紘祇攪心兮冲舉又夸虛攝浮氛以復正兮屏萬慮
而獨居東汎剽之纖慧兮信印志於古初羌焮掌而
摧精兮密追琢其琛璵逢萌視恐或實兮敢悞慢而

跌諸螾罔爪牙之犀利兮穴槁盞而爲居蟹二螯又
八跪兮顧曾螾之弗如余乃寤夫繕修兮厯夢寐之
拮据椽中貞爲基兮葺禮儀爲廬築沉深爲冥兮豁
神識爲疏蹇憔悴印弗憚兮跂往聖之高衢慙余質
之凡駑兮單千百猶未迨望平原而勇趨兮猝遭躓
於崕巖意感感若有所懲恣兮忽又事去而忘改漫
搖筆以雄視兮矜文章之五采綜綺縟之粲粲兮暎
水壺之皚皚啓汲冢及西巖兮固菁華之所在漱羣
芳之津潤兮振麗藻而奇佻頤墳素以誼形兮雖蓬

垢其弗悔謂顛顛喪厥志兮戎相尋於罔始閔醢雞
而發覆兮徒與鼃乎語海余願斂華而爲實兮先樹
本以爲華扈尼訓之睢睢兮株繩墨而不察剪蓬草
勿繁翳兮俾昭揭於坦涂循茂則而忽悟兮超永逸
乎澨窪曦皦皦其中天兮何隨侯之照車堅卓犖之
貞性兮又善劑於中和剡靈光其內葆兮允融洩以
婆娑亡憤疾流俗兮局躋爲小儒夔詘曲以局身兮
蟬戢翼而長耀彼鸞鳩之譏陋兮惟榆枋之與俱勿
恢張蟲伎兮凌厲乎九區鳥惡美羽句啄兮魚畏鱗

口而垂腴憫文豹之耒田兮詎華采之不殊鳳凰翔
而翾翾兮應龍陟皇之赫戲闕芒芴以隱見兮妙變
化於有無瞻羣族莫絜迄兮謀邛志之攸圖筴夸父
之捷步兮堙瀚海而搏塗矢余願罔卻顧兮羌弗病
其爲迂亶厥躬無離說兮吾獨征乎又何需歌曰風
悵悵兮薄寒雪翁翁兮萎柯佃辰光兮迅邁蹇蹻蹻
兮蹉跎閉衡門兮浩歎疚余心兮實多載歌曰遊思
盪兮激昂俛踟躕兮徬徨涉嶮谿兮愴怳眊經塗兮
周詳誰與余兮同好余將往兮褰裳

離思賦 并序

乙卯春季家大人北之文安時序如流忽爾感烈
離思耿耿爰造斯篇情而不文亦聊以自攄也辭
曰

憶春陽之恢台兮擘垂楊之青青將余親于江臯兮
恫余行其矻嶢數辟呬余頰詔兮逝將去此而遐征
各慙慙其弗釋兮中倉兄而難平陟巉巖以周覽兮
覩大江之滔滔道蔓蔓其靡極兮愾礮砮之怒濤恍
齊魯之在望兮迷颺颺之颺颺萍島汨其浮沒兮衝

風動夫布袍意徘徊而罷眺兮步徙倚乎彼隄勉商
畧江山之奇勝兮志奄奄其不豪載宿宿以俶裝兮
歸者先解維乘潮水之迅駛兮撫中心而不夷願及
行之未遠兮更壹見而致辭計淹留其終別兮強自
割而遂馳道晉陵之殷麟兮踰姑蘇之燬爛出新詩
于輕筵兮唵數章而永歎涕霑霑其若霰兮神溶溶
而無畔馮惆悵以獨返兮瘋憂集而悵悵旣傷兒之
懷親兮重傷親之念兒戒歸權令遙發兮還三復而
眊之匪無則言以自壯兮寫中曲乎兩眉孰有恨而

非別兮孰有別而不思佯婆婆娑其媿樂兮各不言而
相知羌萎約以自廢兮憐風日之婁其既駕檜楫兮
臨迴道之三千歸期勿可道兮行遠綿乎歲年肇發
棹于吳會兮轄將弛乎幽燕違女魍之儼舞兮路迤
邐而不前桃李標落以道盡兮榴火歆而復然頃艾
虎其縈懷兮又聞江南之采蓮竣鳥不可與儷偕兮
草木芸芸其屢遷傷征途之躑躅兮忽涕泗之流涎
石圻沸焦煙兮望錢塘而駐旆蹈赤坂之赫威兮蹇
傍徨以賴踟歎怱怱其若撼兮懷余親而長嘸去衡

泌之肅冷兮服頑沙之颺盞荃不堪此蘊隆兮矧羈
旅之狼狽臆怫鬱以練悞兮恒假寐而獨悒惚忻忻
其承顏兮或髣髴乎既歸盱余目而莫覲兮羌厭浥
其漬幃每懍懍以竟日兮留夢境而弗違鴈翩翩南
翔翔兮寄兒以新橐憎世路之露晷兮鳴吾鼎之爲
寶鱸鯨裁於螻蟻兮虎豹吼而當道鳳凰狂乎天門
兮覽九苞其猶未保挾蓬矢無肅心兮徒傷謀生之
草草兒願及季之方將兮懷夜光而粥之薰椒桂與
木蘭兮輯羽翠之陸離苟善賈其可埃兮將良弓以

爲箕出門違夫交窮兮羣衆兆而見嗤送裘馬於五
陵兮什敝貂而自私天實構此西山之局兮詎責獲
之可爲恫愁約以侘傺兮志遠違其兪亢塊獨處此
窮簷兮倚斜陽而四望感嚴威之感發兮俄飈涌以
跳盪女機杼而士嗙兮幸家人之無恙曰坎坎其育
鞠兮獨有行乎四方俱昕夕而匪所睨兮知永懷夫
故鄉跂游雲以攬涕兮霑余袂其浪浪亂曰人生孰
無別離兮恃來者之可期幼不誦夫甫田兮曷怛怛
其相思

凜秋賦

夫安得陟高山之巔而長嘯兮傾壹鬱之肺腸秋氣
蕭索以嶮廓兮天地慘澹其不光山川爲之改色兮
百草替而焜黃余渺渺若有所離別兮懷帝子於瀟
湘善乎秦客之言秋也兼葭蒼蒼白露爲霜所謂伊
人在水一方夫臨流有煙波之嘅兮懷人虛秋蘭之
佩徒悵望而無際兮目浮雲之黥霽淒其兮若紅顏
夭折而遺芳寂寥兮若病子顛顛而相對願駕木蘭
之輕楫兮汎涓澗之鴻波采江側之拒霜兮搴木末

之薜蘿怨予美之不返兮抒愠愉而獨歌於嗟乎兼
葭蒼蒼兮白露未晞安往非此凜秋兮怊悵况其奚
之撫枝條之於邑兮被長風之颼颼陰王粲登樓之
賦誦宋玉搖落之辭悲莫悲兮寒雅之哀逝慘莫慘
兮夕曛之熹微當此之辰雖戚儔嬉嬉其朋悅兮顛
若惆悵而懷歸爾其銷離憂於壘竿冀湛酒以怡情
酒酣慷慨起步中庭仰停雲之偃蹇聽孤雁之流聲
覽籬菊之萎蕤憐當日之秀榮則又徘徊徙倚憐惻
橫生於嗟乎人心不能爲木石兮余將何以爲情

茅簷賦

圍都之北酒帘之西有扉晝扃蛩吟鳥啼籬逕瀾池
詰訕旁蹊臥板橋而如帶從樛木以扶疎繫小樓之
容膝卜素心而儻居愛綠綺之靜好懷青藜於古初
可風可月我圖我書每訢訢其欲笑吐幽葩而自攄
入披翫兮黃庭出舉芳兮蓀芷忽落英之盈襲驚茅
屋之麗靡引蓬壺之細流亦濺濺而瀾瀾啓紙疏以
長眺撫女墻而獨喜抱良辰之奇懷送行雲而如駛
爾乃三復隰桑適聞叩門或鼓荻秋之柅或檣楓谿

之綸旣風輕而煙暖兼芋菽之不貧擷澤葵掇青蕪
呼雛樹巔問酒鄰人悅余美之媿媿舞長袂之罇罇
競猛晉而迨遠導懿躅以相楮於是衡門之下幽人
儂佯敗瓦頽壁蘭香蔭芳斜陽小鳥遙林蒼蒼觸目
懽賞便姍翱翔若夫拒霜蕾亂楓林標紅疎櫺自鳴
切切草蟲則乃放柴關泝歸澱上高丘瞰長空秋旻
曠兮沈寥察彤雲兮無窮懷湘江之滯泝駕洞庭之
秋風思眇眇以遐舉覺天地之壘壘時焉石瀨腹堅
百卉實折日暖牆隈隴哀剩雪手枕殘帙鶉衣百結

短欄無風酒酣耳熱又胡羨乎寒江之瀟灑寒山之
嶸嶸消搖容與茲樂實奢蓬牕圭竇水欹岸斜聽曉
冰之響裂呀空谷之谿訝落霞孤鶩枯木寒雅春風
蚤戾到我梅花誰歟居者或曰此伐檀君子之家

閒居賦

并序

余自解識字卽志四方年旣二十亦云壯矣乃足
跡不能徧千里而又客處以爲常夫古人閉門讀
書則有仲舒遨遊山川則有子長悠悠閒居余何
爲者也賦曰

空庭晝永恬浪風驕秋深多慨歲暮無聊撫几席之
優游覽林樹之招搖感暇日之匪易聊攬物而逍遙
其居則柴門晃朗茨宇廢蕪盤渦浴鴨古壁纏蛛草
芳木榮羅生室隅其木則綠榆楊莢青杉絳桃桂枝
梅幹詘曲嵯嶢其草則苔碧蘿翠蘇紫苔黃淡竹青
青菰蒲蒼蒼其花卉則西膚媚斌菡萏清芬芙蓉幽
麗叢菊繽紛其書則陸藏鄴架出敦米船蟲註鳥譯
魚貫虵連藍本麟史草薙狐禪其朋儔則踟躕婆娑
晤對汝我鎮日靜嬉竟夕匡坐灑落斯臧方毅亦可

其童僕則蓬頭突鬢短衫蒙戎冥心蹇舌傭岢倥儻
漏深秉燭睡眠朦朧其樂而遊則野袍翩翩駕言登
高漪痕新長村郭輕刁歸來揚揚鼓簧舞翮其風雨
則輯楮糊窗展冊獨觀豁今日曠寂兮意殫思入而
親春風蕙蘭其雪則徧啓軒廡擁爐兀坐颺轉霰迴
衝幃撼座快劇欲狂憬頑豎情其月則天空儷水堦
白疑霜樹影蕭疎中庭四望偃息不能長夜仿徨其
攤辭則幼眇竊闕顯出涉趣執藉寒梢機隨驚兔時
采菊悠然時天潢倒注其飲則量齊玉局與邁無功

類二荷蓮集二卷一
悞浮蕉葉勇涸荷筒積然獨酣茅閣從容其歌則恍
慨激昂馮弔曩事伉直逢顛佞諛獲志朗嘯當哭徘徊
不置其勑而夢則不于徐違風就日娛境屢遷
任彼紆疾或平濤滴湟或層崑嶸嶮或淋灘戲竿或
從橫琫琕或青藜歎爛或赤松授術或結趺少林或
攜登太室其遠遽然覺也則短檐不埽敗樗數椽鄰
鷄樹鳥景物依然于是悄然作而歎曰雲移莎岸天
覆晴川矯首遐眺風光去年勝衣若干淹滯江南遲
遲長日誠何以堪

